

Broj: 06-1-07-1-440/19
Sarajevo, 19.12.2019. godine

Na osnovu člana 2.9 stav (1) tačka 14, a u vezi člana 1.10 stav (1) tačka 1. i stav (2) i člana 13.10 stav (2) Izbornog zakona Bosne i Hercegovine ("Službeni glasnik BiH", br. 23/01, 07/02, 09/02, 20/02, 25/02, 04/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), člana 11. i 15. Uputstva o dodjeli i prestanku mandata ("Službeni glasnik BiH", broj 37/14), te člana 25. stav (1) Statuta Grada Sarajeva („Službene novine Kantona Sarajevo“, broj: 34/08), u pravnoj stvari prestanka mandata Stojnić Dade, vijećnika u Gradskom vijeću Grada Sarajeva, Centralna izborna komisija Bosne i Hercegovine je na 63. sjednici, održanoj dana 19.12.2019. godine, d o n i j e l a

ODLUKU

o prestanku mandata i dodjeli mandata sljedećem kvalificiranom kandidatu

(1) **Stojnić Dadi**, vijećniku u Gradskom vijeću Grada Sarajeva, izabranom na Posrednim izborima 2016. godine, iz Općinskog vijeća Stari Grad Sarajevo, sa kandidatske liste Grupe vijećnika: Denis Stojnić, Dado Stojnić, Sanel Dragolovčanin, Amar Trbović, utvrđuje se prestanak mandata sa danom 04.12.2019. godine.

(2) Upraznjeni mandat iz člana (1) dispozitiva ove Odluke dodjeljuje se **Stojnić Denisu**, sljedećem kandidatu sa kandidatske liste Grupe vijećnika: Denis Stojnić, Dado Stojnić, Sanel Dragolovčanin, Amar Trbović, iz Općinskog vijeća Stari Grad Sarajevo.

Obrazloženje

Gradsko vijeće Grada Sarajeva dostavilo je Centralnoj izbornoj komisiji Bosne i Hercegovine, dana 04.12.2019. godine, obrazac za utvrđivanje prestanka mandata izabranom članu tijela vlasti, propisno ispunjen od strane vijećnika Stojnić Dade, te potpisan i od strane predsjedavajućeg Gradskog vijeća Grada Sarajeva, a kojim je Stojnić Dado, dana 04.12.2019. godine, podnio zahtjev za utvrđivanje prestanka mandata vijećnika u Gradskom vijeću Grada Sarajeva, a iz ličnih razloga, kako je u obrascu navedeno.

U usmenom kontaktu sa Stojnić Dadom, potvrđena je vjerodostojnost i svojevrijnost podnesenog zahtjeva za utvrđivanje prestanka mandata u Gradskom vijeću Grada Sarajeva, u skladu sa članom 2.9 stav (1) tačka 14. Izbornog zakona Bosne i Hercegovine.

Odredbama člana 1.10 stav (1) tačka 1. Izbornog zakona Bosne i Hercegovine utvrđeno je da izabranom članu organa vlasti na svim nivoima prestaje mandat prije isteka vremena na koje je izabran danom podnošenja ostavke.

U stavu (2) istog člana utvrđeno je da Centralna izborna komisija Bosne i Hercegovine donosi odluku o prestanku mandata izabranom članu organa vlasti u roku koji ne može biti duži od 15 dana od dana kada su nastupili razlozi za prestanak mandata, odnosno od saznanja o razlogu za prestanak mandata, i o tome obavještava organ vlasti u kojem je izabrani član imao mandat.

S tim u vezi, a na osnovu člana 13.10 stav (2) Izbornog zakona Bosne i Hercegovine i člana 25 stav (1) Statuta Grada Sarajeva, mandat vijećnika u Gradskom vijeću Grada Sarajeva dodjeljuje se Stojnić Denisu, sljedećem kandidatu sa kandidatske liste Grupe vijećnika: Denis Stojnić, Dado Stojnić, Sanel Dragolovčanin, Amar Trbović, za Gradsko vijeće Grada Sarajeva, iz Općinskog vijeća Stari Grad Sarajevo.

U skladu sa navedenim, Centralna izborna komisija Bosne i Hercegovine je, na osnovu člana 2.9 stav (1) tačka 14, člana 1.10 stav (1) tačka 1. i stav (2) i člana 13.10 stav (2) Izbornog zakona Bosne i Hercegovine, člana 11. i člana 15. Uputstva o dodjeli i prestanku mandata i člana 25. stav (1) Statuta Grada Sarajeva, odlučila kao u dispozitivu ove Odluke.

Pravna pouka: Protiv ove odluke dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ove odluke preko Centralne izborne komisije Bosne i Hercegovine, u skladu sa članom 6.9 stav (1) i stav (2) Izbornog zakona Bosne i Hercegovine.

Predsjednik

Branko Petrić



Dostavljeno:

- Stojnić Dado,
- Stojnić Denis,
- Gradsko vijeće Grada Sarajeva, nakon pravomoćnosti,
- a/a.